



Broj: 15-03-16-5-39-40/23

Datum: 24.7.2023. godine

Na osnovu člana 61. Zakona o upravi („Službeni glasnik BiH“, br. 32/02, 102/09 i 72/17), člana 19. Zakona o Agenciji za identifikaciona dokumenta, evidenciju i razmjenu podataka Bosne i Hercegovine („Službeni glasnik BiH“, br. 56/08), člana 69. stav (2) tačka d) i člana 70. Zakona o javnim nabavkama („Službeni glasnik BiH“, br. 39/14 i 59/22), direktor Agencije za identifikaciona dokumenta, evidenciju i razmjenu podataka Bosne i Hercegovine donosi

O D L U K U o poništenju postupka nabavke

Član 1.

Poništava se postupak javne nabavke **HTZ opreme i radne odjeće i obuće – LOT 2 – radne odjeće**, objavljen na Portalu javnih nabavki Bosne i Hercegovine, Obavještenje o nabavci broj 1110-7-1-21-3-45/23 od 16.6.2023. godine, a koji je proveden postupkom konkurentskog zahtjeva za dostavljanje ponuda.

Član 2.

Ova odluka se dostavlja ponuđaču u roku od tri (3) dana, a najkasnije u roku od sedam (7) dana od dana donošenja.

Član 3.

Ova odluka stupa na snagu danom njene objave na *web* stranici Agencije za identifikacione dokumente, evidenciju i razmjenu podataka Bosne i Hercegovine.

O b r a z l o ž e n j e

Nakon preduzetih aktivnosti, Komisija za provođenje postupka javne nabavke (u daljem tekstu: Komisija) je konstatovala da je rok za prijem ponuda u postupku bio 11.7.2023. godine do 10:00 sati, te da je do navedenog roka na protokol Agencije za identifikaciona dokumenta, evidenciju i razmjenu podataka Bosne i Hercegovine (u daljem tekstu: Agencija) za LOT 2 radnu odjeću pristigla jedna (1) ponuda i to ponuđača „GRAFO BALKAN“ Duško Skakić s.p. Banjaluka. Neblagovremenih ponuda nije bilo.

Komisija je prema uslovima i specifikaciji navedenoj u Tenderskoj dokumentaciji, a nakon provedenog postupka analize i ocjene ponude, izradila Zapisnik o pregledu i ocjeni ponuda, broj 15-03-16-5-39-30/23 od 13.7.2023. godine, u kojem su detaljno obrazloženi razlozi za poništenje postupka javne nabavke.

U skladu sa navedenim zapisnički je utvrđeno da ponuda ponuđača „GRAFO BALKAN“ Duško Skakić s.p. Banjaluka nije kvalifikovana, jer ovaj ponuđač nije dostavio sve uzroke (nisu dostavljeni jakna i košulja dugog rukava), a čije dostavljanje predstavlja dokaze o



ispunjavanju uslova Tenderske dokumentacije za ocjenu tehničke i profesionalne sposobnosti ponuđača. Cijeneći navedeno Komisija je zaključila da ponuda ovog ponuđača ne ispunjava sve zahtjeve kako je traženo Tenderskom dokumentacijom, te je ocijenila ovu ponudu neprihvatljivom.

Po provedenim aktivnostima pregleda i ocjene jedine pristigle ponude, Komisija je utvrdila da ponuđač „GRAFO BALKAN“ Duško Skakić s.p. Banjaluka ne ispunjava sve zahtjeve u pogledu uslova za kvalifikaciju postavljenih tenderskom dokumentacijom, odnosno njegova ponuda nije prihvatljiva, zbog čega je predložila donošenje odluke o poništenju ovog postupka javne nabavke, u skladu sa članom 69. stav (2) tačka d) Zakona o javnim nabavkama.

Na osnovu prijedloga Komisije, odlučeno je kao u dispozitivu ove odluke.

Pouka o pravnom lijeku: Protiv ove odluke pravo žalbe ima svaki privredni subjekat koji ima ili je imao interes za dodjelu ugovora o javnoj nabavci i koji učini vjerovatnim da je u konkretnom postupku javne nabavke bila ili je mogla biti prouzrokovana šteta zbog nezakonitog postupanja Agencije, a koje se u žalbi navodi kao povreda zakona i podzakonskih akata od strane ugovornog organa u postupku javne nabavke. Žalba se izjavljuje u roku od pet (5) dana od dana prijema ove odluke. Žalilac izjavljuje žalbu Kancelariji za razmatranje žalbi Bosne i Hercegovine putem ugovornog organa, u pisanoj formi direktno ili preporučenom poštanskom pošiljkom. Žalba se podnosi u dovoljnom broju primjeraka, a koji ne može biti manji od tri (3).

X 

DIREKTOR

Prof. dr. Almir Badnjević

Signed by: abadnjevic
дигитално потписано / digitalno potpisano / digitally signed